

Impositis in olla fictili vitrata affunde Aceti acerrimi, quantum satis, ad supereminentiam duorum digitorum.

Vase obturato macerentur per duos tresve dies, identidem materiam agitando, Tum adde

Salis Nitri, uncias octo.

Salis Ammoniaci, uncias duas.

Coque igne lento ad exsiccationem. Massam exsiccatam superflitem calcina igne vehemente per horam. Exime & serva ad usum.

C R O C I.

Crocus martis, *vulgo*, aperiens.

℞. Limaturæ ferri, quantum volueris.

Rori exponatur, vel aqua pluviali identidem irroretur, donec in rubiginem facessat, supra porphyritem lævigandam.

Crocus martis aperiens cum sulphure.

℞. Limaturæ ferri nitidæ, } ana
Florum Sulphuris, } partes aequales.

Ex his fiat massa cum Aquæ sufficienti quantitate.

Massam hanc mitte in vas conveniens. Stet in fermentatione quinque horarum spatio. Tunc materiam igne acerrimo calcina, sæpius spatha ferrea movendo, donec colorem purpureum acquisierit. Serva ad usum.

Crocus martis, *vulgo*, Astringens.

℞. Limaturæ ferri, quantum vis.

In olla terrea igne reverberii continuo per plures horas calcinetur, donec in pulverem rubicundum

abierit, qui multoties aqua ablutus & exsiccatuſæ-
vigetur.

Aethiops martialis.

℞. Limaturæ Chalybis aut ferri puriſſimæ, quan-
tum placuerit.

Mitte in vas latum, vitreum aut teſtaceum. Su-
peraffunde aquam communem optime repurgatam,
ad ſuperementiam ſex digitorum. Singulis diebus
ſpatula lignea aut ferrea limaturam ſubter aquam
ſuſdeque verras, & novam aquam adjice, ut nullo
non tempore limaturæ eadem quantitate ſuperemi-
neat. Quod ni feceris diligenter, Ferrum in gru-
mos concreſcet, non facile conterendos, & operam
perdes. His ita per plures hebdomadas repetitis,
pulvis nigerrimus & ſubtiliſſimus turbabit aquam ſu-
pernatantem, quam ſic turbidam in filtrum conjici-
es, ac ſedulo colliges ſedimentum, probe ac cele-
riter exſiccandum in pulverem egregie tenuem.

Nota. Brevius adhuc & facilius parari poteſt
pulvis ille Martialis niger, ope Machinæ, ita diſpo-
ſitæ, ut motu indefinente agitetur limatura Ferri
aquæ immerſa.

Globuli martiales.

℞. Limaturæ ferri præparatæ, partem unam.

Tartari albi pulverati, partes duas.

Miſce in cucurbita; affunde Aquam vitæ ad emi-
nentiam digiti; radiis ſolaribus, vel Balneo maris
digere ad ſiccitatem. Maſſæ exſiccatae & pulvera-
tæ iterum Aquam vitæ affunde. Digere ut ſupra,
idque toties repete, donec maſſa exſiccata quaſi re-
ſinoſa appareat. Ex hac maſſa Globulos efformabis
ad ovi magnitudinem.

Kermes minerale.

℞. Antimonii Hungarici in frustula effracti, libras
quatuor.

Nitri fixati, libram unam.

Aquæ pulvialis, libras octo.

Inde in vas fictile vitratum: bulliant per horas
duas igne æquali & moderato. Liquoris ferventis
duos trientes filtra. Tertio superstiti affunde

Aquæ pluvialis ferventis, libras quinque.

Nitri fixati, uncias octo.

Bulliant ut supra. Filtra iterum duos liquoris
trientes. Tertio adhuc superstiti affunde

Aquæ pluvialis ferventis, libras quinque.

Nitri fixati, uncias octo.

Bulliant ut supra. Totum liquorem ferventem
filtra. Misce in vase terreo omnes filtratos liquores.
Quiescant per viginti quatuor horas; liquor decan-
tetur. Pulvis residuus rubens, super papyro empo-
retica expansus, edulcerur affusa identidem aqua,
donec insipida exudet. Pulvis exsiccatus mittatur
in fictile, cui affusa Spiritus vini rectificati sufficiens
quantitas accendatur, ut artis est, quod bis repe-
tendum.

Aethiops mineralis.

℞. Mercurii crudi e Cinnabari redivivi, unciam
unam.

Florum Sulphuris, uncias duas.

Tere in mortario vitreo pistillo vitreo, donec
mercurius fiat inconspicuus, & pulvis intense ni-
grescat.

Cinnabaris antimonii.

℞. Massam superstitem ex Butyro Antimonii cum
una parte Antimonii crudi & duabus sublimati cor-

rosivi confecto. Retorta receptaculo suo instructa exceptam urgebis igne arenæ, donec in Cinnabarrim evehatur, quæ collo adhærens detrahatur; ex aqua elue; tum nova sublimatione rectificata servabitur.

Cinnabaris factitia.

Rx. Florum Sulphuris, semi libram.

Liquefiant in patella terrea super carbonibus. Statim adde

Mercurii ex corio depluentis, libras duas.

Agita perpetuo spatha ferrea, donec ambo coëant, & mercurius penitus fiat inconspicuus. Massam hanc pulveratam in mortario vitreo, sublima in vase idoneo, igne aperto per gradus aucto. Sublimationem semel & iterum repete.

MAGISTERIA.

Magisterium sulphuris.

Rx. Florum Sulphuris, uncias quatuor.

Salis Tartari, uncias duodecim.

Mixta, inde fistili vitrato. Affunde

Aquæ puræ, libras octo.

Vasē cooperto bulliant, donec liquor rubescat. Solutionem filtra. Instilla acerum distillatum, & fiat LAC SULPHURIS. Stet, præceps agerur pulvis albus, liquorem limpidum decanta. Magisterium hinc emergens aqua pura multoties elue, & in umbra exsicca.

Sulphur auratum antimonii.

Rx. Scorias Reguli Antimonii.